

Headline	TNB meterai perjanjian dengan SIPP Energy		
MediaTitle	Kosmo		
Date	04 May 2017	Language	Malay
Circulation	197,202	Readership	875,000
Section	Niaga	Page No	51
ArticleSize	97 cm ²	Journalist	N/A
PR Value	RM 3,850		



TNB meterai perjanjian dengan SIPP Energy

KUALA LUMPUR – Tenaga Nasional Bhd. (TNB) menandatangani perjanjian jual beli saham dengan SIPP Energy Sdn. Bhd. (SIPP Energy) serta perjanjian pemegang saham dengan SIPP Energy dan Southern Power Generation Sdn. Bhd. (SPG).

Ia adalah untuk pengambilalihan 51 peratus pegangan saham dalam SPG dengan anggaran nilai RM4.7 bilion.

TNB dalam satu maklumannya kepada Bursa Malaysia berkata, SPG ditubuhkan pada

12 Ogos 2016 sebagai syarikat tujuhan khas untuk pembangunan loji tenaga turbin gas kitaran bergabung berkapasiti 2x720 Megawatt di Pasir Gudang, Johor.

Menurutnya, sebelum langkah pengambilalihan tersebut, SIPP Energy memiliki 100 peratus kepentingan dalam SPG.

“Setelah selesai pengambilalihan, SPG akan menjadi anak syarikat TNB,” kata kenyataan tersebut di sini semalam.

Sementara itu, menurut kenyataan yang sama, projek loji

tenaga turbin gas kitaran bergabung tersebut dijangka meningkatkan kapasiti penjanaan tenaga TNB serta memberi impak positif kepada pendapatan syarikat sekali gus menambah

nilai jangka masa panjang kepada para pemegang saham TNB.

“Pengambilalihan projek tersebut akan meningkatkan kepastian bagi penyelesaian projek dengan mengetengahkan kepakaran teknikal TNB serta kekuatan kewangan syarikat,” katanya.